



PROXECTO DE DECRETO polo que se regulan as medallas ao mérito de protección civil de Galicia e outras condecoracións.

Da implicación da cidadanía en Galicia respecto á protección civil é fiel expoñente a figura das Agrupacións de Persoal Voluntario de Protección Civil, en adiante “AVPC”, e o seu persoal voluntario, de longa traxectoria dende principio da década dos noventa, que de forma organizada interveñen en operativos preventivos, participando tamén, como calquera cidadá con coñecementos sobre a materia, na prestación do auxilio debido en situacións de emerxencia ata a chegada do persoal profesional.

Así mesmo poderíamos falar dos profesionais das emerxencias ou entidades e organismos que aportan un plus especial ás súas dedicacións en pro da axuda y colaboración en situacións de risco ou emerxencia.

É de xustiza que as accións meritorias que destaquen por riba do nivel de esixencia para cos demais que temos todos os cidadáns, voluntarios e/ou profesionais, sexan recoñecidas pola sociedade á que serviron desinteresadamente, xa sexan tanto as persoas individuais coma as xurídicas.

Aos efectos de considerar as accións sobresaíntes que en materia de protección civil tiveran o persoal voluntario ou profesional, así como entidades de todo tipo, publicouse a Orde do 22 de abril de 1994 (DOG n.º 82, do 29 de abril de 1994) que regula as medallas ao mérito e as placas e diplomas de Protección Civil da Comunidade Autónoma de Galicia, e desenvolve o procedemento a seguir para a súa concesión.

Dende a publicación da citada orde, produciuse unha actualización da normativa autonómica respecto da Protección Civil e das AVPC publicándose o Decreto 56/2000, do 3 de marzo polo que se regula a planificación, as medidas de coordinación e a actuación de voluntarios,



agrupacións de voluntarios e entidades colaboradoras en materia de protección civil de Galicia e a Lei 5/2007, do 7 de maio, de emerxencias de Galicia.

Na Lei 5/2007, do 7 de maio, no seu artigo 13.I recóllese que, entre as funcións da persoa titular da consellería competente en materia de protección civil e xestión de emerxencias, está “Exercer a potestade de recoñecemento público das actuacións meritorias de cidadáns, entidades, organismos e profesionais”.

De conformidade co disposto no artigo 129.1 da Lei 39/2015, do 1 de outubro, do procedemento administrativo común das administracións públicas, no exercicio da iniciativa lexislativa e na potestade regulamentaria, as administracións públicas actuarán de acordo cos principios de necesidade, eficacia, proporcionalidade, seguridade xurídica, transparencia e eficiencia.

En virtude dos principios de necesidade e eficacia, o interese xeral vén motivado pola incompleta normativa autonómica existente na actualidade, coa finalidade de acadar un marco normativo axeitado ás necesidades actuais nesta materia.

O decreto polo que se regula as medallas ao mérito de protección civil de Galicia e outras condecoracións, cumpre co principio de proporcionalidade xa que contén a regulación imprescindible para atender as necesidades a cubrir.

Pola experiencia adquirida nestes anos, xunto co desenvolvemento das actividades de protección civil, o incremento dos colectivos colaboradores e a propia participación cidadá, fan conveniente facer unha nova regulación normativa adaptándoa á situación de hoxe en día.

Polo tanto é preciso crear e determinar o deseño e características dunha serie de condecoracións, distintivos e distincións honoríficas, así como os correspondentes pasadores e insignias de lapela, xunto cos seus respectivos diplomas acreditativos, que recoñezan os méritos extraordinarios de persoas físicas ou xurídicas realizados en beneficio da protección civil e seguridade pública no seu sentido máis amplo, así como, o servizo continuado en pro da protección civil.



Na súa virtude, por proposta do vicepresidente e conselleiro de Presidencia, Administracións Públicas e Xustiza, logo da deliberación do Consello da Xunta de Galicia na súa reunión do día de de dous mil dezaioito

DISPÓÑO:

Artigo 1. *Obxecto*

1. O presente Decreto ten por obxecto regular a concesión de medallas e demais condecoracións que permita ao goberno galego recoñecer e distinguir publicamente tanto as actuacións destacadas en materia de protección civil, como a prestación de servizos por tempo continuado na labor altruísta de apoio e colaboración do persoal voluntario de protección civil.

2. A concesión destas medallas e condecoracións ao mérito de Protección Civil de Galicia ten por finalidade distinguir ás persoas físicas ou xurídicas e/ou institucións que sobresaian polas súas actividades en materia de protección civil, accións de emerxencia en situacións de grave risco, catástrofe ou calamidade pública ou por actuacións que impliquen risco notable, solidariedade excepcional, colaboración e cooperación coas institucións de protección civil, así como a prestación de servizos continuados no tempo, de interese para a protección civil, todo elo no ámbito territorial da Comunidade Autónoma de Galicia.

Poderanse outorgar estas distincións ao persoal ao servizo das distintas administracións públicas e ao persoal das forzas e corpos de seguridade só nos seguintes casos :

- a) Por accións levadas a cabo cando non estean de servizo.
- b) Nos casos en que, estando de servizo, se acredite que a súa acción superou o nivel de esixencia regulamentaria no seu cumprimento.
- c) Polo traballo continuado e relevante en interese da protección civil.

Artigo 2. *Condecoracións de protección civil*



Establécense as seguintes condecoracións:

- a) Medalla ao Mérito de Protección Civil de Galicia na súa categoría de ouro
- b) Medalla ao Mérito de Protección Civil de Galicia na súa categoría de prata
- c) Medalla ao Mérito de Protección Civil de Galicia na súa categoría de bronce
- d) Distintivo de permanencia

Artigo 3. A Medalla ao Mérito de Protección Civil de Galicia

1. A Medalla ao Mérito de Protección Civil de Galicia concedese en tres categorías: ouro, prata e bronce. A concesión dunha ou doutra categoría será discrecional, efectuándose en función das accións de relevancia e transcendencia que se realicen e as circunstancias que concorran, respecto aos fins da protección civil.

2. En cada anualidade poderán concederse: unha medalla de ouro, tres de prata e seis de bronce, non obstante, en casos excepcionais, sucesos ou emerxencias que deran lugar a perdas de vida o que afecten gravemente á integridade das persoas que interveñen nos mesmos, poderanse conceder as medallas sen limitación de número, en calquera das súas categorías e na mesma anualidade.

3. Estas condecoracións revestirán o formato de medalla cando sexa outorgada a título individual, de placa cando sexa outorgada a entidades ou a colectivos e de gravata para os guións ou as bandeiras daqueles corpos ou unidades que dispoñan deles.

Artigo 4. Distintivo de permanencia

O distintivo de permanencia entregarase ao persoal voluntario das AVPC que se atope prestando servizo activo de protección civil nunha AVPC inscrita no Rexistro de Protección Civil da Comunidade Autónoma de Galicia, sempre que acrediten un mínimo de 25 anos ao servizo en agrupacións ou asociacións de persoal voluntario de protección civil.

Artigo 5. Acreditación documental da Medalla ao Mérito de Protección Civil de Galicia e demais condecoracións



A Medalla ao Mérito de Protección Civil de Galicia e demais condecoracións de protección civil levará consigo a súa acreditación documental, a través dos diplomas de protección civil correspondentes.

Artigo 6. Procedemento de concesión

A concesión da Medalla ao Mérito de Protección Civil de Galicia nas súas distintas categorías será outorgada pola persoa titular da consellería competente en materia de protección civil, previa proposta da Comisión de Avaliación á que se refire o artigo 11 deste decreto.

Artigo 7. Solicitude de concesión de medallas e demais condecoracións

1. As solicitudes para optar á concesión das medallas ao mérito de protección civil de Galicia, nas súas distintas categorías, poderanse realizar por calquera persoa física ou xurídica, representantes de organismos, entidades, asociacións, así como, calquera administración pública.

2. No caso do distintivo de permanencia **a** para o persoal voluntario, a solicitude poderá realizarse pola AVPC **á** que pertenza o/a voluntario/a e/ou polo concello sede da AVPC, aportando a documentación necesaria que acredite a citada permanencia no servizo activo.

Artigo 8. Contido da solicitude

Na solicitude farase constar de maneira precisa e detallada as causas, motivos e circunstancias polas que se promove a concesión da medalla ao mérito de protección civil e outras condecoracións, debidamente razoada e fundamentada, aportando a documentación que permita levar a cabo a correspondente avaliación.

Artigo 9. Tramitación administrativa

1. A solicitude dirixirase ao director xeral con competencias en materia de protección civil,



preferiblemente por vía electrónica a través do formulario normalizado dispoñible na sede electrónica da Xunta de Galicia <https://sede.xunta.gal> .

A presentación electrónica será obrigatoria para as Administracións públicas, persoas xurídicas, entidades sen personalidade xurídica, as persoas que exerzan unha actividade profesional para a que se requira colexiación obrigatoria para os trámites e actuacións que realicen coas Administracións públicas no exercicio da súa actividade profesional, as persoas representantes dunha das anteriores entidades e as persoas empregadas das Administracións públicas nos trámites realizados pola súa condición de empregado público.

Se algunha das persoas interesadas obrigadas á presentación electrónica presenta a súa solicitude presencialmente, requiriráselle para que a emende a través da súa presentación electrónica. Para estes efectos, considerarase como data de presentación da solicitude aquela na que fose realizada a emenda.

Para a presentación das solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>)

Aquelas persoas interesadas non obrigadas á presentación electrónica, opcionalmente, poderán presentar as solicitudes presencialmente en calquera dos lugares e rexistros establecidos na normativa reguladora do procedemento administrativo común, utilizando o formulario normalizado dispoñible na sede electrónica da Xunta de Galicia.

2. A documentación complementaria presentarase preferiblemente por vía electrónica. As persoas interesadas responsabilizaranse da veracidade dos documentos que presenten. Excepcionalmente, a Administración poderá requirir a exhibición do documento orixinal para o cotexo da copia electrónica presentada.

A presentación electrónica será obrigatoria para os suxeitos obrigados á presentación electrónica da solicitude. Se algunha das persoas interesadas presenta a documentación complementaria presencialmente, requiriráselle para que a emende a través da súa presentación electrónica. Para estes efectos, considerarase como data de presentación



aquela na que fose realizada a emenda.

Aquelas persoas non obrigadas á presentación electrónica, opcionalmente, poderán presentar a documentación complementaria presencialmente en calquera dos lugares e rexistros establecidos na normativa reguladora do procedemento administrativo común.

3. Sempre que se realice a presentación de documentos separadamente da solicitude deberase indicar o código e o órgano responsable do procedemento, o número de rexistro de entrada da solicitude e o número de expediente se se dispón del.

4. No caso de que algún dos documentos a presentar de forma electrónica superase os tamaños máximos establecidos ou tivera un formato non admitido pola sede electrónica da Xunta de Galicia, permitirase a presentación deste de forma presencial dentro dos prazos previstos e na forma indicada nos parágrafos anteriores. A información actualizada sobre o tamaño máximo e os formatos admitidos pode consultarse na sede electrónica da Xunta de Galicia.

5. No suposto de que se considere insuficiente ou incompleta a documentación recibida, poderase recadar a información e/ou documentación complementaria.

Artigo 10. Prazo de presentación de solicitudes

O prazo máximo de presentación de peticións de solicitudes correspondente a cada ano natural, rematará o primeiro de marzo do seguinte ano a aquel en que aconteceron os feitos tidos en conta para a solicitude de concesión da condecoración.

Artigo 11. Comisión de Avaliación

Para a concesión das medallas e demais condecoracións reguladas neste decreto créase unha comisión de avaliación que estará composta por:

Presidente/a: a persoa responsable da dirección xeral con competencias en materia de protección civil.

Vicepresidente/a: a persoa responsable da subdirección xeral con competencias en materia



de protección civil.

Vogais:

- As persoas responsables das xefaturas de servizo provinciais con competencias en materia de protección civil.
- Dous representante da Federación Galega de Municipios e Provincias.
- Dous representante das asociacións provinciais de AVPC.

Secretario: Un/unha xefe/a de servizo da dirección xeral con competencias en materia de protección civil.

Artigo 12. *Proposta de resolución*

1. A comisión de avaliación, unha vez analizadas e estudadas as solicitudes presentadas, de consideralo necesario, poderá reclamar e solicitar todo tipo de información complementaria que precise aos solicitantes. Rematado este proceso elevará unha proposta ao titular da consellería con competencias en materia de protección civil, ao que lle corresponderá a decisión de concesión das medallas e demais condecoracións.

2. A comisión de avaliación non poderá realizar proposta de concesión de medallas superior ao número máximo que se indica neste decreto podendo, se así se considera oportuno, quedar baleiras unha, varias ou a totalidade das distincións, no suposto de que os aspirantes non reunisen os requisitos e non tivesen lugar as causas e circunstancias necesarias para o recoñecemento da distinción, tendo sempre en conta o establecido no artigo 3.2 deste decreto.

Artigo 13. *Publicación da concesión*

A orde de concesión das medallas e outras condecoracións de protección civil deberá publicarse no *Diario Oficial de Galicia*.

Artigo 14. *Entrega das medallas e outras condecoracións*



As medallas ao mérito e outras condecoracións de protección civil seranlles impostas aos galardoados polo presidente/a da Xunta de Galicia ou persoa en quen delegue.

Artigo 15. *Características e dimensións*

1. As dimensións e características distintivas das medallas, placas, diplomas e outras condecoracións ao Mérito de Protección Civil de Galicia, que as acreditan individual o colectivamente figuran nos anexos deste decreto, relacionados da seguinte maneira:

Anexo I. Medalla ao Mérito de Protección Civil de Galicia na súa categoría de ouro.

Anexo II. Medalla ao Mérito de Protección Civil de Galicia na súa categoría de prata.

Anexo III. Medalla ao Mérito de Protección Civil de Galicia na súa categoría de bronce.

Anexo IV. Placa para as distintas medallas cando sexan outorgada a entidades ou a título colectivo.

Anexo V. Gravata para os guións ou as bandeiras daqueles corpos ou unidades que dispoñan deles, adaptada **ás** distintas medallas.

Anexo VI. Distintivo de permanencia.

Anexo VII. Diplomas para as respectivas medallas e condecoracións.

Artigo 16. *Rexistro das medallas e demais condecoracións*

A Dirección Xeral con competencias en protección civil realizará a inscrición pertinente das medallas concedidas, no libro-rexistro que se estableza para tales efectos, así mesmo levará a cabo a adaptación das condecoracións concedidas coa normativa derogada e incluírá a súa inscrición. Os datos a incluír no libro -rexistro serán: a data da concesión, tipo de medalla, nome e apelido das persoas galardoadas, o seu nif e o nº de rexistro, no caso de entidades ou institucións o seu nome e o nif da entidade, no seu caso.

Disposición adicional primeira. *Distincións colectivas*

No caso de distincións colectivas, o persoal do que resulte acreditada a súa participación nos



feitos ou servizos motivo do outorgamento desa distinción, poderán portar na súa uniformidade un símbolo dela en forma de pin, emblema ou semellante, sempre e cando a normativa da súa institución ou entidade así o permita.

Disposición derogatoria única. *Derrogación normativa*

Queda derogada expresamente a Orde do 22 de abril de 1994, pola que se regulan as medallas ao mérito e as placas e diplomas de protección civil da Comunidade Autónoma de Galicia e se desenvolve o procedemento que se seguirá para a súa concesión.

Disposicións derradeira primeira. *Delegación de competencias*

Facúltase á persoa titular da consellería competente en materia de protección civil para ditar as resolucións precisas para o desenvolvemento deste decreto, así como a modificación das características dos anexos, eliminación de condecoracións ou inclusión de novas.

Disposicións derradeira segunda. *Adaptación das mencións honoríficas outorgadas con anterioridade*


A dirección xeral con competencias na materia levará a cabo a adaptación ao presente decreto das mencións honoríficas concedidos nas anteriores anualidades, así como do seu rexistro.

Disposicións derradeira terceira. *Entrada en vigor*

Este decreto entrará en vigor o día seguinte ao da súa publicación no *Diario Oficial de Galicia*.

Santiago de Compostela, novembro de 2018

ANEXO I MEDALLA AO MÉRITO DE PROTECCIÓN CIVIL DE GALICIA NA SÚA CATEGORÍA DE OURO



1. Descrición

As medallas serán tipo elipse, de 40 mm no seu eixo menor e 50 mm no seu eixo maior, cun espesor non inferior a 2 mm. Penderán en forma de gravata dunha fita de 30 mm de ancho, en cor laranxa de fondo cun trazado vertical no lado dereito coas cores da bandeira galega, dúas franxas brancas e unha azul, unida á medalla por unha argola na súa parte superior.

Anverso

Levará o logo de protección civil da Xunta de Galicia de acordo á Orde do 24 de febreiro de 2015 da Vicepresidencia e Consellería de Presidencia, Administracións Públicas e Xustiza, con las adaptacións necesarias. Constará dunha silueta do mapa da Comunidade Autónoma de Galicia de cor azul Prusia (*pantone 2935c*) e no seu interior un triángulo equilátero de cor



azul cobalto (*pantone 286c*), quedando os vértices do triángulo na parte interior do mapa. Orlado este último cunha franxa circular en cor laranxa coa lenda de “PROTECCIÓN CIVIL DE GALICIA”, na súa parte superior, e na parte inferior “AO MÉRITO”, ambas lendas en cor dorado (*pantone 811U*) e tipo de letra: “centl TC BK BT”.

O escudo irá dentro da elipse de cor dourada.


Reverso:

Será plano e levará o escudo de Galicia co nº de rexistro gravado debaixo do mesmo.

2. Pasador. Estará constituído pola cinta coas cores descritas, de 30 mm de longo por 10 mm de ancho, montada sobre un armazón de metal dourado e enmarcada por dúas barras laterais do mesmo metal de 2 mm de longo e 10 mm de ancho cada unha. No centro da franxa laranxa levará o triángulo equilátero de protección civil de ouro, de 7 mm de lado. Na súa parte posterior terá un sistema de suxeición adecuado para poder fixalo ao uniforme.

3. Miniatura para lapela. Será unha reprodución en miniatura da medalla dun tamaño total de 16 mm, cun sistema de suxeición que permita o seu emprego tanto sobre un ollal como sobre o tecido.

ANEXO II MEDALLA AO MÉRITO DE PROTECCIÓN CIVIL DE GALICIA NA SÚA CATEGORÍA DE PRATA



1. Descrición

As medallas serán tipo elipse, de 40 mm no seu eixo menor e 50 mm no seu eixo maior, cun espesor non inferior a 2 mm. Penderán en forma de gravata dunha fita de 30 mm de ancho, en cor laranxa de fondo cun trazado vertical no lado dereito coas cores da bandeira galega, dúas franxas brancas e unha azul, unida á medalla por unha argola na súa parte superior.

Anverso

Levará o logo de protección civil da Xunta de Galicia de acordo á Orde do 24 de febreiro de 2015 da Vicepresidencia e Consellería de Presidencia, Administracións Públicas e Xustiza, cos adaptacións necesarias. Constará dunha silueta do mapa da Comunidade Autónoma de Galicia de cor azul Prusia (*pantone 2935c*) e, no seu interior, un triángulo equilátero de cor azul cobalto (*pantone 286c*), quedando os vértices do triángulo na parte interior do mapa. Orlado este último unha franxa circular en cor laranxa coa lenda de “PROTECCIÓN CIVIL DE



GALICIA” na súa parte superior e, na parte inferior “AO MÉRITO”, ambas lendas en cor prata (pantone 811U) e tipo de letra: “centl TC BK BT”.

O escudo irá dentro da elipse de cor prateada.


Reverso:

Será plano e levará o escudo de Galicia co nº de rexistro gravado debaixo.

2. Pasador. Estará constituído pola cinta coas cores descritas, de 30 mm de longo por 10 mm de ancho, montada sobre un armazón de metal prateado e enmarcada por dúas barras laterais do mesmo metal de 2 mm de longo e 10 mm de ancho cada unha. No centro da franxa laranxa levará o triángulo equilátero de protección civil de prata, de 7 mm de lado. Na súa parte posterior terá un sistema de suxeición adecuado para poder fixalo ao uniforme.

3. Miniatura para lapela. Será unha reprodución en miniatura da medalla dun tamaño total de 16 mm, cun sistema de suxeición que permita o seu emprego tanto sobre un ollal como sobre o tecido.

ANEXO III MEDALLA DE AO MÉRITO DE PROTECCIÓN CIVIL DE GALICIA NA SÚA CATEGORÍA DE BRONCE



1. Descrición

As medallas serán tipo elipse, de 40 mm no seu eixo menor e 50 mm no seu eixo maior, cun espesor non inferior a 2 mm. Penderán en forma de gravata dunha fita de 30 mm de ancho, en cor laranxa de fondo cun trazado vertical no lado dereito coas cores da bandeira galega, dúas franxas brancas e unha azul, unida á medalla por unha argola na súa parte superior.

Anverso

Levará o logo de protección civil da Xunta de Galicia de acordo á Orde do 24 de febreiro de 2015 da Vicepresidencia e Consellería de Presidencia, Administracións Públicas e Xustiza, con las adaptacións necesarias. Constará dunha silueta do mapa da Comunidade Autónoma de Galicia de cor azul Prusia (*pantone 2935c*) e ,no seu interior, un triángulo equilátero de cor azul cobalto (*pantone 286c*) quedando os vértices do triángulo na parte interior do mapa. Orlado este último cunha franxa circular en cor laranxa na súa parte superior coa lenda de



“PROTECCIÓN CIVIL DE GALICIA” e na parte inferior “AO MÉRITO”, ambas lendas en cor bronce (pantone 811U) e tipo de letra “centl TC BK BT”.

O escudo irá dentro da elipse de cor bronceada.

Reverso:

Será plano e levará o escudo de Galicia co nº de rexistro gravado debaixo do mesmo.

2. Pasador. Estará constituído pola cinta coas cores descritas, de 30 mm de longo por 10 mm de ancho, montada sobre un armazón de metal bronceado e enmarcada por dúas barras laterais do mesmo metal de 2 mm de longo e 10 mm de ancho cada unha. No centro da franxa laranxa levará o triángulo equilátero de protección civil de bronce, de 7 mm de lado. Na súa parte posterior terá un sistema de suxeición adecuado para poder fixalo ao uniforme.

3. Miniatura para lapela. Será unha reprodución en miniatura da medalla dun tamaño de 16 mm, cun sistema de suxeición que permita o seu emprego tanto sobre un ollal como sobre o tecido.

ANEXO IV. PLACAS DAS MEDALLAS AO MÉRITO DE PROTECCIÓN CIVIL DE GALICIA NAS SÚAS CATEGORÍAS DE OURO, PRATA E BRONCE, OUTORGADAS A TÍTULO COLECTIVO

As tres placas teñen semellante formato que consta dunha base de madeira de nogueira, vernizada en cor escura, cunhas dimensións de 400 mm de ancho e 250 mm de longo, sobre a que irá fixada unha placa de metal prateado de acabado brillante de 370 mm de ancho e 220 mm de longo.

Sobre a placa de metal irá troquelada, na súa marxe superior esquerda, a lenda “XUNTA DE GALICIA” cos caracteres tipográficos propios da súa imaxe corporativa nun tamaño de conxunto de 150 mm de ancho e 50 mm de longo; á súa dereita, a condecoración da distinción honorífica correspondente á medalla de ouro, prata ou bronce, según sexa a distinción concedida, a un tamaño de 70 mm de longo e 56 mm de ancho.

Baixo elas irá gravado no metal o texto que figura na imaxe coas seguintes características:

Placa correspondente á Medalla ao Mérito de Protección Civil de Galicia na súa categoría de ouro:



Placa

correspondente á Medalla ao Mérito de Protección Civil de Galicia na súa categoría de prata:



Placa correspondente á Medalla ao Mérito de Protección Civil de Galicia na súa categoría de bronce:




ANEXO V GRAVATA PARA OS GUIÓNS OU AS BANDEIRAS DAQUELES CORPOS OU UNIDADES QUE DISPOÑAN DELES, ADAPTADAS ÁS DISTINTAS MEDALLAS.

A gravata correspondente confeccionarase sobre unha banda de seda de cor branca de 80 mm de ancho e 1500 mm de longo, rematada nos seus extremos con flocos de cor dourados, prateados ou bronceados, segundo sexa a condecoración concedida, de 50 mm de longo. Entre ambos flocos con cor laranxa de fondo un trazado vertical no lado dereito coas cores da bandeira galega, dúas franxas brancas e unha azul.


Nun dos extremos, a 80 mm deste, levará bordada a imaxe da condecoración da distinción honorífica cunhas dimensións de 90 mm de longo e 60 mm de ancho; 20 mm por debaixo da condecoración situarase bordado o nome da unidade, centro ou organismo receptor da gravata e 20 mm por debaixo do nome figurará tamén bordada a data de concesión da condecoración.

A gravata irá suxeita á punta de lanza da bandeira ou estandarte cunha lazada, cos dous extremos da gravata caendo 500 mm a cada lado.


Gravata correspondente á Medalla ao Mérito de Protección Civil de Galicia na súa categoría de ouro	Gravata correspondente á Medalla ao Mérito de Protección Civil de Galicia na súa categoría de prata
--	---




Gravata



correspondente a Medalla ao Mérito de Protección Civil de Galicia na súa categoría de **bronce**



ANEXO VI. DISTINTIVO DE PERMANENCIA



1. Descrición

As distincións serán tipo circular de 40 mm de diámetro cun espesor non inferior a 2 mm. Penderán en forma de gravata dunha fita de 30 mm de ancho, en cor laranxa de fondo cun trazado vertical no lado dereito coas cores da bandeira galega, dúas franxas brancas e unha azul, unida á medalla por unha argola na súa parte superior.

Anverso

Levará un triángulo equilátero dentro do círculo, cuxos vértices tocan a liña circular, dentro deste situarase o mapa de Galicia e un triángulo equilátero mais pequeno que reflicte os elementos do logo de protección civil da Xunta de Galicia, de acordo á Orde do 24 de febreiro de 2015 da Vicepresidencia e Consellería de Presidencia, Administracións Públicas e Xustiza. Por debaixo da base do triángulo maior a lenda de “25 ANOS”, en cor dorado (pantone 811U) e tipo de letra “centl TC BK BT”.



Reverso:

Será plano e levará o escudo de Galicia e a data da concesión gravada debaixo do mesmo.

2. Pasador. Estará constituído pola cinta coas cores descritas, de 30 mm de longo por 10 mm de ancho, montada sobre un armazón de metal dourado e enmarcada por dúas barras laterais deste metal de 2 mm de longo e 10 mm de ancho cada unha. No centro da franxa laranxa levará o logo de “25 anos” de cor dourado, de 9 mm de lado. Na súa parte posterior terá un sistema de suxeición adecuado para poder fixalo ao uniforme.

3. Miniatura para lapela. Será unha reprodución en miniatura da medalla a un tamaño de 20 mm, cun sistema de suxeición que permita o seu emprego tanto sobre un ollal como sobre o tecido.

ANEXO VII. DIPLOMAS PARA AS RESPECTIVAS MEDALLAS E CONDECORACIÓNS AO MÉRITO DE PROTECCIÓN CIVIL DE GALICIA.

Os diplomas, segundo as imaxes que se anexan, irán reberetados en todo o seu contorno por unha cuádrupla cenefa de cor ouro, prata ou bronce, segundo corresponda á categoría da medalla concedida, situada a 25 mm do bordo do soporte material do documento.

Fóra desta cenefa, no ángulo inferior dereito, levará o número de rexistro do diploma.

O documento incluírá, ademais, xa dentro do contorno da cenefa, os seguintes elementos gráficos coas características que se sinalan:

[Denominación do cargo da Autoridade superior que outorga o diploma]
en uso das atribucións que lle están legalmente conferidas, resolve outorgar a

**Medalla ao Mérito de Protección Civil de Galicia
na súa categoría de OURO**

a
[Don/Dona] Nome Apelido Apelido
con DNI [00000000-A]

Por concorrer todos os requisitos establecidos no Decreto [000/aaaa], de [dd] de [mes].
Santiago de Compostela, [dd] de [mes] de [aaaa] [Denominación do cargo da Autoridade].

[Nome e apelidos da Autoridade]

NOTA: No modelo [000/000000]



[Denominación do cargo da Autoridade superior que outorga o diploma]
en uso das atribucións que lle están legalmente conferidas, resolve outorgar a

Medalla ao Mérito de Protección Civil de Galicia
na súa categoría de PRATA

a
[Don/Dona] Nome Apelido Apelido
con DNI [00000000-A]

Por concorrer todos os requisitos establecidos no Decreto [000/aaaa], de [dd] de [mes].
Santiago de Compostela, [dd] de [mes] de [aaaa] [Denominación do cargo da Autoridade],
[Nome e apelidos da Autoridade]

Núm. de modelo [970/0000001]

[Denominación do cargo da Autoridade superior que outorga o diploma]
en uso das atribucións que lle están legalmente conferidas, resolve outorgar a

Medalla de bronce ao Mérito de Protección Civil

a
[Don/Dona] Nome Apelido Apelido
con DNI [00000000-A]

Por concorrer todos os requisitos establecidos no Decreto [000/aaaa], de [dd] de [mes].
Santiago de Compostela, [dd] de [mes] de [aaaa] [Denominación do cargo da Autoridade],
[Nome e apelidos da Autoridade]

Núm. de modelo [980/0000001]

[Denominación do cargo da Autoridade superior que outorga o diploma]
en uso das atribucións que lle están legalmente conferidas, resolve outorgar o

Distintivo de permanencia en Protección Civil

a
[Don/Dona] Nome Apelido Apelido
con DNI [00000000-A]

Por concorrer todos os requisitos establecidos no Decreto [000/aaaa], de [dd] de [mes].
Santiago de Compostela, [dd] de [mes] de [aaaa] [Denominación do cargo da Autoridade],
[Nome e apelidos da Autoridade]

Núm. de modelo [960/0000001]



O texto dos diplomas, distribuído segundo figura na imaxe anexa, observará as seguintes tipografías e dimensións:

Texto	Tipografía	Tamaño
[Denominación do cargo da autoridade superior que outorga o diploma]	Helvetica Neue Light Condensed	10 mm.
en uso das atribucións que lle están legalmente conferidas, resolve outorgar a	Helvetica Neue Light Condensed	8 mm.
[Medalla de ao Mérito de Protección civil] [Ouro / Prata / Bronce]/ [Medalla de permanencia en Protección Civil]	Myriad Pro Bold Condensed	17 mm.
a	Helvetica Neue Light Condensed	8 mm.
[Don/Dona] Nome Apelido Apelido	Myriad Pro Bold Italic	17 mm.
con DNI [DNI do receptor da condecoración]	Helvetica Neue Light Condensed	8 mm.
Por concorrer todos os requisitos establecidos no Decreto 0000/0000, do 00 de aaaa	Helvetica Neue Light Condensed	8 mm.
[Lugar e data]	Helvetica Neue Light Condensed	7 mm.
Denominación do cargo da autoridade	Helvetica Neue Light Condensed	7 mm.
[Nome e apelidos da autoridade]	Helvetica Neue Light Condensed	7 mm.
[NÚM. de rexistro [OU/PR/BR/M25] [0000000000]]	Myriad Pro Regular	8 mm.